

Uirrim Fhódla ag éanduine

[Mac Airt, Seán, *Leabhar Branach*, Dublin, 1944, poem 19]

Niall Ó Ruanadha .cc.

1 Uirrim Fhódla ag éanduine,  
uirrim fhógras fáidhfhile,  
geall Gaoidheal fuair éanduine,  
a mbuaidh d'aoinfhear d'áirimh.

2 Do smól ghartha an ghormfhoghadh  
sról tana do tiormuigheadh;  
Éire ón fháth gá hainmniughadh  
ar scáth féine fionnLaighean.

3 Fiú an cháin thiar do thaibhghiodar  
riar do dháimh nár dearmadadh;  
luach na clú nár chongbhadar  
le crú Duach níor dearlagadh.

4 Fiacha is fear dá bhfóiridhín  
feadh cliachdha eidir chaoilshleaghaibh;  
níor chinn ar fhréimh ríoghLughaidh  
ar mbéin gill do Ghaoidealaibh.

5 Dob fhiu a ndíoth ré [a] ndeaghmholaíadh  
más fhíor d'iúl na seinleabhar;  
buaidh troda ar fhóir fhionnLaighion,  
foda dhóibh dá deimhniughadh.

6 Do dhearbh fá fhíon d'fhileadhuibh  
go bhfríoth geall gach glanoirir;  
téid cruas fuile Fearadhuigh  
suas tar duine daghoinigh.

7 Gach file reis réidheóchuidh,  
teisd a chinidh cémmúchaidh;  
rug sí riar í ríghFhiachaidh,  
clar is gan í d'éndúthaigh.

8 A-nú is cóir a cuimhniughadh,  
an chlú dhóibh gur daingnigheadh;  
fiú a mhaoine ó fhiadh fhionnLaighean  
aoighe nár iar aindligheadh.

9 D'éigsibh Banbha is breathnughadh  
ainm nách éidir d'athrughadh;  
do chlú a gcliathruibh cuirfidhior

's gan tú, a Fhiachaidh, d'athmholadh.

10 Mac ríogh ag buain baramhla  
nach fuair bhar síodh soshnadhma;  
níorbh fhiú neart fhir h'anamhla  
gan teacht god thigh togharma.

11 Céim ós fhiodh don fhíneamhain:  
téid sibh tar na saoirfhearuibh;  
barr clú san áth uarabhair,  
tú do ghnáth ós Gaoidhioluibh.

12 Cora a chlú níor neamhfhuathaigh,  
tú as togha dá rolúthaibh;  
grís oinigh shíl sheinFhiachuidh  
bídh 'na doighir dhomhúchaidh.

13 Gar é d'uaim gach éinimil,  
gné an ghuail ar a míonalluibh;  
do bhí cóir Fhuinn Fhélimidh  
gan buing róibh do ríoghalluibh.

14 Dá fhiachuibh é d'fholmhughadh,  
sé d'Fhiachaidh gur hainmnigheadh;  
bíodh go sir fiadh fionnLaighean  
mar sin nách iar aindligheadh.

15 Ar Chlár Dá Thítréigfidhear  
rí fár fhás gach aentoradh;  
glún ríogh ré lár léigfidhior  
fán síodh nár bh ál d'aentoghadh.

16 Beag d'fhaghail a n-oirbhire  
anaidh ar feadh fiodhbhuidhe;  
lucht diomdha ar gclann gConnlai-ne  
iomdha acht a n-am iorghuile.

17 Fear scéith chorcra is caoilshleighe,  
is é ortha as aoghaire;  
reic Fhiachuidh tar aonduine  
d'fhiachuibh ar leic Laoghaire.

18 Líon áigh do shíol sheinEochaíd  
gan díobh acht grán glanfhochain;  
beag labhra cuain chomhaithigh  
d'uaim Banbha do Bhranochaibh.

19 Bas uaidh fa chrann caoilshleighe  
go ham cuain do chiúnfhaire;

ní hí an Fhódla d'áiridhe  
do bhí ar fhógra í lúghuine.

20 Ní sheachain áth d'airmreannaibh,  
tré lár deabhtha deighlingidh;  
ní trom riар an Raghnalluigh  
's nach iar acht Fonn Feidhlimidh.

21 Fiú an céim dá mbí a mbaramhuil  
nách téid fá dhíon duiliobhair;  
ní iar ceart glún ngeiniolaigh  
fá theacht go mór Muiriódhaigh.

22 A mbí ortha d'aimhréidhe,  
síol na tTolcha ttíormáille,  
ní léir aoinneach inbhéime  
girodh daoineach féin fionnShláine.

23 Buaidh riaghla gach ríodhoire  
fuair Fiacha tar aonduine;  
cnuas beanta Fhóid lúghoine,  
móid í Earca a aoghaire.

24 Diamhair ghliadh gur ghabhadar  
fian Fhiachaidh a n-uireagar;  
cur rú ar áth dob anobar,  
clú ós cách do chuireadar.

25 Díolaidh tú tóir tromdháimhe,  
a Róis, gan rún minréire;  
niamh ghairthe do ghealghruaidhe,  
grian dá aithle is inbhéime.

26 Fiú an tásc oinigh fhuarabhair,  
mná Laighion dá lánfhoghail;  
geall clú uathaibh fhuarabhair,  
do chrú Tuathail tárrabhair.

27 Tearc cor nár fhóir t'fhírfhéile  
ort, a Róis, lé a ródháile;  
fiú riар fhir na hénuaire  
nách iar an idh órfháinne.